

春在堂全書

第三函
十二冊

春在堂襍文六編卷十

德清俞樾

童寄梅六十壽序

慈谿之爲縣枕高原而面曠野九峯峙其東兩江流其北山水秀麗人物豐昌其中多龍蟠鳳逸之士余識其賢士大夫蓋非一人矣乃今而又得一篤行君子焉曰寄梅童君童氏自宋時由鄞之建嶼遷慈谿之戎谿遂爲慈谿人君父中書君有聲庠序間娶陳宜人生三子君最少年十有五避粵寇之亂舉家入茅嶺山恆患乏食君繭足萬山中采山薯釣溪魚以供甘旨陳宜人病

躬侍湯藥不解衣而息者數月及抱皋魚之痛佐父兄
治喪葬不以貧而廢禮五五服終慨然曰瓶之罄矣惟
罍之恥敢慕仲舒下帷之名而忘季路負米之義於是
舍章句之學而習操贏制餘之術候時轉物遠至粵東
每念家貧親老自甘淡泊麤袍糲食衣櫛蕭然銖金寸
錦悉寄還家歲月積儲樂生不窶昔也壁立今也素封
古人云富在儉力趣時不在歲司羽鳩其是之謂乎君
富而好禮輕財重義天性之篤尤倍恆情先是中書君
旣占炊臼之夢乃台續絃之膠繼室以沈宜人生一子
二女恆撫而歎曰尺縉升粟聞之古謠老夫耄矣奈若

曹何然君善視其弟妹不以異母而有聞養之教之以
娶以嫁分支裝遣皆從其厚曰吾不負先人遺意也伯
仲兄前卒自絞紵衾冒以至櫛櫛藉幹之具皆伙助之
推而至於母族又推而至於妻族凡窀穸之事賴君以
舉者如干家遇兄弟之子尤厚旣已別居異爨又割己
產使均分之俾無孤寡之歎高祖以上祭祀之禮久闕
不修君買祭田以供粢盛牲殺之費追養繼孝雖遠必
虔又念先世潛德不耀子孫當有興者厚摯幣豐肴脔
延名師課諸子買書五六萬卷綉囊細帙充滿軒楹供
其流覽以資啟發歲在辛卯其兄子佐宸孝廉以第十

人舉於鄉君之力也君雖操計然之術而喜讀書遇文士折節與交誦紫陽綱目如肉貫串摹魯公爭坐位帖見者謂可亂真非尋常闐闐中人也鄉里善舉知無不爲夏施醫藥冬施棉衣歲以爲常有增無減橋梁道路修之平之寺觀殯廬繕完葺之凡有以告無有不諾好刻醫書如達生編驗方襍編摹印萬本行於人間吉凶同患君之願也其在粵東如愛育堂仁濟院潤身善社及鏡湖東華諸醫院皆出巨資以助經費而平安堂之設則尤功德之大者自泰西通商輪舶暢行電軫飈輪瞬息千里人皆便之然船中或偶有物故者則舉而投

諸海夷例然也君曰螻蟻何親雖莊生之高論然首邱之義謂何忍葬之魚腹乎乃與同志金君菊存謀建立公所置備棺槨分儲自粵至滬之船以待倉卒之用美其名曰平安堂此風旣創各輪船皆踵行之君又募捐數千金以期行之久遠此一舉也所謂澤及枯骨者矣宋徐度卻掃編稱漏澤園之設始於元豐閒陳向余嘗載之茶香室三鈔以爲千古善法之所自始不可沒也今觀平安堂之設何減於漏澤園乎國家以睦嫻任卹之意風示天下士民義舉有在千金以上者輒命以樂善好施旌其門君陰德耳鳴不自表襮事不達

於所由名不聞於臺司淡然不以榮利動其懷余謂之
篤行君子洵不虛矣每遇人緩急之事輒陰飲之不使
知其姓名去歲直隸荒於水募千金助溫振亦不自以
爲功修德無不報天殆將昌其家乎元配鄭繼配鄧皆
莊姝有禮法生丈夫子一已嶄然見頭角君貌魁岸而
性極慈祥無疾言無厲色雖豪於飲飲不過量每遇良
友必盡歡而罷今年四十有九矣精神興會與少壯無
異自此由六七十以至期頤未可量也佐宸孝廉遠乞
鄙言以爲君壽余切人不媚因臚舉其善行而著於篇
宋時慈谿有童君居易號杜洲先生流風餘韻於今未

泯君其有以紹之乎吾知其名其壽必與慈湖並永矣
方母張恭人六十壽序

相墅方氏浙東鉅族也宋時有以右正言建言左遷爲
鄞令者遂家於慈谿鳴鶴山實爲四明方氏始遷之祖
其第五子遷鎮海之鳳浦至明萬厯間又由鳳浦遷柏
墅至今厯十二傳世有清德而相墅之方遂爲浙東望
余以舊史氏獮習記載之文方氏之賢者屢見於吾文
矣而今又以小文爲張恭人壽恭人蓋方性齋先生繼
配也始來歸時年甫十有六君姑周太夫人在堂事之
惟謹質明而起盥漱適寢饋醢酒醴必親調焉衣衾簞

席必親澣焉有事則身先之不待頤指而咄嗟立辦所謂婦如影響焉得不賞斯之謂矣然此猶小節也其大者在善相其夫與善教其子性齋先生以兩昆蚤迹棄儒而賈就時於滬滬爲眾商之淵通閩帶閩井竿萬集先生長於權會操贏制餘法孔氏雍容之風致樊重君子之富其時適有軍事 朝廷命重臣總師于自滬進規江浙先生捐助軍精數逾巨萬 詔以道員用 賜鶚羽以飾其冠旋易之以孔翠於是方氏之名益著其業亦益盛先生終歲在滬不皇家食家中事悉委之恭人諸昆季皆同居合爨大小數百指米鹽靡密千緒萬

端恭人從容裁決黑白分明一歲所入無銖金寸錦之私是以人無閒言家無廢事先生得以無內顧憂泉源渾渾屑然千鎰富埒陶白貲巨程羅此則恭人之善相其夫也俄先生寢疾滬上恭人馳往省視躬治湯藥不解衣而息者兩閱月日夜露禱於庭籲以身代而疾竟不瘳恭人痛不欲生族姻之在滬者咸以旅櫬未歸遺孤猶稚曲爲譬喻勉進糜粥時恭人已舉丈夫子一又有側室子二嶄然頭角皆有可見先生真冷之言曰吾昆弟七人爨無異烟世稱高義然人眾事煩日不暇給非可爲常易不云乎渙其羣亦元吉之道也恭人乃屬

其族之長老謀之先生猶子字仰峯者進而言曰遵季父遺意器用財賄宜析爲七然吾家成此素封實藉季父之力今季父往矣而諸弟皆幼以養以教以至成人所費不貲請留其半餘則六之恭人喟然曰善哉爲吾三子謀也雖然古人有言賢而多財則損其智愚而多財則益其禍焉用多爲且先夫遺言在耳墓草未宿忍背其言以行私乎仰峰乃不敢請自是家事稍簡屏居一室足不踰閭而勤志精練仍如平時督課諸子有加於昔晚自塾歸必問所業寒暑無間應對偶乖涕泣不食諸子溫燂故業不敢怠荒伯霜仲雪翬然並起長子

覲年附貢生 賞同知銜次子崇年光緒乙酉科舉人

賜花翎加五品銜第三子舜年恭人出也以高材生
餽於庠孫五人皆瑤環瑜珥稱其家兒昔李景讓母不
取藏錢曰天若以先君餘慶憫及未亾人當令諸孤學
問成立其後景讓昆弟並有重名位至方岳金華子記
述以爲美談今恭人不從仰峯之請辭隆從窳推多取
少而諸子咸克自樹立益振家聲賢母所見大略相同
此則恭人之善教其子也素性儉約雖高貲萬萬而櫛
無新衣荆釵布裙衣櫛蕭然非有喜慶之事及以事至
親串家未嘗被服羅綺也居其姑之喪哀毀成疾幾至

不起性齋先生之歿也年甫三十有六屏棄膏沐不事
華飾至乙酉歲次君舉於鄉始被吉服出受家人賀蓋
自稱未以以來縞素十餘年矣尤其至性之過人者也
生平無疾言遽色與先後築里相得甚歡下而臧獲侮
甬亦莫不待以恩禮里中貧不能自存者計月而資之
錢餼之粟或無以爲斂則棺槨之或無以爲葬則藁裡
之三黨之中有以緩急告者至再至三靡不應也性齋
先生嘗有志爲義莊構一堂顏曰師範其在滬也創設
四明公所爲鄉人停紼之地工未竣而歿恭人命從子
輩踵而成之蓋承其夫之遺意以下啟其子若孫所見

尤深遠矣余嘗歎柏墅方氏之多賢士大夫今乃知又有賢婦也昔朱考亭之祖所居曰朱村村多烏柏樹木葉經霜紅如渥丹見羅逸長青山記余未至柏墅不知風景如何然方氏多賢則信而有徵矣柔兆涖灘之歲正月四日爲恭人六旬設悅之辰諸子皆褰韞上壽而乞余一言以侑之余惟荀子有言樂易常壽揚子有言人壽以仁如恭人之賢眉梨耄鮐未可限量今以周甲稱觴猶賓之初筵耳異日由七十八十而至期頤諸子皆致身通顯有位於朝或如陳叔達之以御前蒲萄遺母或如崔邠之親導母輦公卿避路柱史載筆侈爲

盛事此則 邦家之光非徒柏塹之慶余更願得而紀其懿也

楊石泉制府七十壽序

嘗論天下大勢自鄭康說禹貢有陽列陰列之名而後世遂分爲南北兩條北條以河爲主南條以江爲主西北之地大河所環抱故三代建都皆在河北東南之地大江所環抱故荆楚之強莫強於天下而人材之盛亦莫盛於天下自殷周以來已然而當今之世則尤楚材極盛之時也洪惟 聖清彌綸天地籠絡萬品二百年來安於磐石道光之季極熾而豐稂莠不孳孽芽其

間初發難於粵西遂蔓延乎東南颶颶紛紛爭爲長雄
生民爲之塗炭 朝廷爲之宵旰惟 天篤祐我

聖清爰聚數千載昆侖旁薄之氣畢鍾於三湘七澤
開而長沙一郡左抗荆門右納夏汭南控五嶺北扼洞
庭總上游之輶轄據三江之襟帶則尤風雨之所會陰
陽之所和也於是乎惇龐耆艾表裏文武之材應運而
出龍驤鳳矯霆砰電射左提右挈旋乾轉坤以奏 中
興之績如曾文正左文襄羅忠節諸公天下仰望若神
人然而宮保楊公卽其同時並起者也同治元年
穆廟以蘇浙糜爛有 詔曾左兩公選能戰之文負

補兩省之實缺又命於平日所知舉其堪勝大任並
調軍務者以備簡用而左公所保則公與焉疏稱楊某
師事羅澤南又與已故道員王鑫前任藩司李續賓見
任安徽巡撫李續宜爲友廉明篤實曉暢戎機性情沈
靜屢辭保薦讀此疏而公之性情學問以及師友淵源
可概見矣樾之與公相識也在同治乙丑之歲公時方
陳臬於吾浙至今三十一年辱承不棄在浙時每枉車
騎訪我於湖上又嘗共泛輕舸徘徊於平湖秋月三潭
印月閒從容談笑故雖出處殊途仕隱異軌而粗識其
生平行事之大概蓋公自幼卽篤志於學獵書涉史雪